

OKÉ TAKE AWAY

**NOS SPECIAL
NOV. 20
PAG. 4**

746-3571



**PROGRAMA 'BAN
TOPA' TA CONTINUA
NA 2024 OFRECIENDO
OPORTUNIDAD DI
PARTICIPACION
ACTIVO NA PUEBLO DI
ARUBA**



WWW.SOLODIPUEBLO.COM



SOLODIPUEBLO@GMAIL.COM

MISS UNIVERSO 2023: E GANADORA TA SHEYNNIS ALONDRA PALACIOS DI NICARAGUA

**E concurso di beyesa di Miss Universo a
biba un anochi historico door di selecciona
Sheynnis Alondra Palacios, di Nicaragua,
como ganadora**



MINISTER ENDY CROES HUNTO CU UNIVERSIDAD DI ARUBA A ATENDE E SPORT ENTERTAINMENT & VENUES TOMORROW (SEVT) CONFERENCE DI UNIVERSITY OF SOUTH CAROLINA




POLIS DI E UNIDAD K9 A CAPTURA UN SOSPECHOSO BUSCA PA JUSTICIA



HOBEN HERIDA; DESPUES DI A RICIBI BOTER DEN CABES DOOR DI UN CONOCI DI HUSTICIA



SETAR A INAUGURA PASCO DEN ORANJESTAD CENDIENDO NAN LUS NA E ROTONDE SERO BLANCO



MUCHA MUHER DI 4 AÑA DEN UNIFORM DI SCHOOL CANANDO SU SO UN POCO LEU FOR DI SCHOOL



Diabierna mainta a drenta informe di cu un bon samaritano a nota un mucha muher canando su so riba caya na un area un poco aleha di e kleuterschool unda e ta bayendo.

E bon samaritano a informa polis cu e ta hibando e mucha school. Mesora a dirigi un patruya na e school. Eynan na e school a tuma e mucha y a tuma e datonan di e bon samaritano ademas a pidi'e warda un rato. Polis a yega y a compronde e gesto di e bon samaritano y polis a avis'e pa otro biaha laga polis yega unda a hay'e.

Na school mesora a yama e mayornan y a informanan di e locual a sosode y a pidi nan pa presenta na e school. Na e school a papia cu e mayornan di locual a sosode y polis a hala nan atencion di e proteccion y cuido di e muchanan anca den ley. E mucha mes ta ok y a sigi su lesnan normal. E Kleuterschool encuestacion semper ta pone e seguridad y proteccion di e muchanan na prome lugar.

POLIS DI E UNIDAD K9 A CAPTURA UN SOSPECHOSO BUSCA PA JUSTICIA



Diasabra atardi un oficial di e unidad di K9 a topa cu un sospechoso busca pa justicia na e beach dilanti e hotelnan highrise, mesora




cu tactica a acerke y a detene di sorpresa.

Mesora a informe di cu e ta deteni y cu e ta ser busca pa un caso den

investigacion y a pidi pa e vehiculo di transporte cu a bini mesora pa a hib'e na warda di Shaba.

POLIS A DETENE HOMBER CU TABATA MALTRATA UN CACHO RIBA E.J. "WATTY" VOS BLVD.

Diabierna atardi un oficial di trafico pasando a constata un persona maltratando un cacho riba E.J. "Watty" Vos, mesora ela para pa atende cu e persona y a pidi refuerso na yegada di e refuerso a detene e persona y a percura pa atencion di e animal domestico tur maltrata. E vehiculo di transporte a bini y a detene hib'e na warda di polis.



JPB Services:

Ta buska: Pool attendant, pa drenta den servicio dibiaha

Pasa cu bo rijbewijs na nos oficina na Jaburibari 1-D, Paradera.



of jama 592-9227 /583-7401



MISS UNIVERSO 2023: E GANADORA TA SHEYNNIS ALONDRA PALACIOS DI NICARAGUA

E concurso di beyesa di Miss Universo a biba un anochi historico door di selecciona Sheynnis Alondra Palacios, di Nicaragua, como ganadora

Pa prome biaha den historia di Miss Universo, un representante di Nicaragua ta gana e concurso. E aña aki 2023, Sheynnis Alondra Palacios Cornejo, di 23 aña, ta keda corona como e gran triunfador di e anochi. Na di dos lugar ta Moraya Wilson, di 22 aña, representante di Australia y na di tres lugar ta Anntonia Porsild, di 27 aña, representante di Thailandia.

Duranteeanochi, e concursantenan a duna visibilidad na temanan di actualidad, manera salud mental, migracion y derechonan di e desplazadonan, maltrato infantil y juvenil, derechonan infantil, promove adopcion di menornan, empoderamento femenino, consciencia di acoso escolar, defende inclusion di diferente curpa, haci consciencia di cancer di pecho, evita embarazo infantil, defende derechonan di comunidad trans y duna visibilidad na comunidatnan minoritario.

E ganadora a keda reconoci cu e corona Force of Good. E ta un joya di diseño espectacular, cu anteriormente a wordo bisti cu orguyo pa e ganadora di Miss Universo 2022, e mericano R'Bonney Gabriel. E corona ta balora na 5.3 miyon dollar, cu su

prijs na e tipo di cambio actual lo ta 9 miyon florin. E ta e corona di Miss Universo 2023 mas caro te na e momento aki. E corona anterior tabata conosi como power of Unity.

Ken Ta Sheynnis Alondra Palacios?

E ganadora di Miss Universo 2023 ta Sheynnis Alondra Palacios Cornejo, a nase na Managua, Nicaragua, dia 30 di mei di 2000, y e tin 23 aña.

E mucha muher ta mide 1.80 m, ta un modelo y promotora comunitario. Sheynnis a studia Comunicacion y na comienso di e aña aki el a integra den e team di e revista "Al Día". Na mes momento, e ta guia e segmento "Entiende tu mente", unda e ta trata temanan di salud emocional, maneho di ansiedad y e importancia di amor propio.

Ken a escoge e ganadora?

E comite di seleccion tabata consisti di 10 hues y hues, cu lo eligi e siguiente candidata cu ta corona: Carson Kressley, presentador y diseñador; Halima Aden, Miss Minnesota USA 2016; Avani Gregg, gimnasta, bailarina, actriz y tiktokker mericano; Mario



Bautista, cantante mexicano; Iris Mittenhaere, ganadora Di Miss Universo 2016; Eleanor Concepcion 'Connie' Mariano, prome filipino-mericano pa alcanza e rango di rear admiral den marina mericano. DENISE

White, Miss USA 1994; Sweta Patel, vicepresidente di Growth Marketing & Merchandising Na Roku Janelle Commissiong, Miss Universo 1977, y Giselle Blondet, acris y escritora.



PLAN NACIONAL DI MANTENCION TA SIGUI

Pa seguridad y continuidad di distribucion di coriente pa tur sector.

Ta evita interupcion di coriente mientras cu e trabounan ta tumando lugar, si en caso ta necesario, lo avisa cu anticipacion.



Redefiniendo Energia

Parlamentario Ricky Hoek:

PROGRAMA 'BAN TOPA' TA CONTINUA NA 2024 OFRECIENDO OPORTUNIDAD DI PARTICIPACION ACTIVO NA PUEBLO DI ARUBA



Aruba, 18 November 2023 - Den su papel como Presidente di Partido MEP, Parlamentario Ricky Hoek a expresa su gratitud na tur hende cu a participa, a atende y a yuda organisa e programa 'Ban Topa' durante e aña 2023, un iniciativa di Movimiento Electoral di Pueblo (MEP).

E proyecto aki a resalta como un di e enfokanan principal di MEP pa e aña aki, dirigi na comunidad. Hopi biaha, ta tende expresionnan den pueblo cu politiconan no ta keda cerca nan of no ta scucha nan. "Nos no kier a para keto eyan. Pesey desde januari 2023, nos a cuminsa e proyecto, e

programa di 'Ban Topa', a expresa.

Hoek a enfatisa cu e aña aki tabatin cuater sesion caba, cu e ultimo na e pueblo di Noord. E otro sesionnan a tuma luga na Piedra Plat, Savaneta y na San Nicolas. Tur actividad tabata hopi exitoso, cu un cantidad grandi di hende participando. Preguntanan importante a keda formula cu a wordo atendi efectivamente.

Entre e preguntanan ta inclui topiconan relaciona cu infraestructura, asfalt, costo di bida, belasting, asistencia huridico entre otro. E ministernan, parlamentarianan y candidatonan di Partido MEP a atende e preguntanan durante e programa 'Ban Topa'. "Mi kier gradici un biaha mas tur hende cu a participa, candidatonan

di MEP presente durante e sesionnan y tambe e comunidad cu a participa activamente den e proyecto aki", Hoek a expresa.

Pa e aña 2024, Hoek a anuncia cu e programa 'Ban Topa' lo continua despues di e temporada di carnaval. Mas informacion lo wordo duna proximamente y for di awo e ta invita

comunidad pa ta presente, pasobra e programanan aki ta brinda oportunidad pa expresa preocupacion, sugerencianan y haci preguntanan na gobierno, Parlamento como tambe na Partido MEP.

"Nos ta topa den e siguiente 'Ban Topa' na aña 2024", asina Parlamentario Ricky Hoek a conclui.



MENU 20 NOVEMBER

Lunch:

- Spaghetti Bolognese
- Spare ribs stoba cu kool
- Fish cutlet > grouper
- Balchi pisca
- Porkchop
- Chicken breast

MiniBox pa solamente 10 florin:

- Spaghetti bolognese
- Chicken breast
- Balchi pisca

-mini Banana muffins pa solamente 2 florin

...Come dushi, Come Bon na oké take Away...

See YOU soon!!

746-3571

A YAMA POLIS PA UN CASO DI MENASA NA BUSHIRI PERO NA YEGADA DI POLIS TA INSULTO SO POLIS TABATA HAYA DI E FAMILIA

Diasabra anochi a drenta informe di un caso di menasa na Bushiri, mesora a dirigi un patruya na e sitio. Na yegada di e patruya a bin tende varios insulto so for di e habitantenan. Ni cuanto esfuerso polis a haci pa haya nan atencion di nan problema no por a logra atende nan problema. Polis a dicidi di bandona e sitio y laga nan cu nan problema.



MINISTER ENDY CROES HUNTO CU UNIVERSIDAD DI ARUBA A ATENDE E SPORT ENTERTAINMENT & VENUES TOMORROW (SEVT) CONFERENCE DI UNIVERSITY OF SOUTH CAROLINA

A presenta e prome fase di resultado na e Sport Entertainment & Venues Tomorrow (SEVT) Conference di University of South Carolina



: Diahuebs mainta durante biahe di trabou na Merca, Minister di Enseñansa y Deporte Endy Croes hunto cu Minister Plenipotenciario na Washington D.C. Sra. Joselin Croes, Sra. Jo-Anne Croes y Sra. Sue Ann Lee di Universidad di Aruba a asisti na e Sport Entertainment & Venues Tomorrow (SEVT) Conference di University of South Carolina (USC). E ekipo di Universidad

di Aruba hunto cu ekipo di University of South Carolina ta haciendo un investigacion profundo encunto deporte di, entre otro, e infraestructura di deporte, e percepcion di Pueblo di Aruba pa deporte y kico ta nifica deporte recreacional y competitivo. Durante e mainta aki, e ekipo di profesional a presenta e prome fase di resultado di investigacion. Minister Endy Croes a indica cu a dialoga cu e



team pa sigura cu e rapport ta cla otro aña april, cual lo ta un direccion nobo pa Aruba den deporte. Sra. Jo-Anne Croes di Universidad di Aruba a expresa cu e investigacion aki ta duna un bista di e tendencianan actual den “sport management”. Cu e investigacion aki, por mira e balor percibi di deporte na Aruba.

Esaki ta e prome parti di e “national study” cu lo tuma luga na januari proximo y asina evalua kico ta e beneficianan economico cu deporte ta trece pa un pais. Sra. Sue Ann Lee di Universidad di Aruba a indica cu a invita e mandatario di Enseñansa y Deporte pa e presentacion pa hunto explora e potencial di deporte, con por trece deporte den un nivel academico y evalua con ta integr’e den e facultad. Di e forma aki eleva e percepcion di deporte na Aruba y contribui na e desaroyo di deporte di

Aruba den su totalidad.

Profesor Andy Gillentine a expresa di ta contento di por duna bek na Aruba y cu e ta considera Aruba su segundo hogar. Profesor Andy ta trahando pa diestres (13) aña cu Universidad di Aruba. Profesor Andy a bishita e diferente facilidadnan deportivo na Aruba tanto pa deporte recreacional y competitivo y ta mira e oportunidadnan cu Aruba ta ofrece. E programa di certificacion ta yuda desaroya e proximo generacion di deporte profesional. Esaki sigur lo yuda Aruba pa genera ingreso, lo beneficia salud di e habitantenan di Aruba y asina eleva deporte na Aruba. Sr. Steven, kende ta Sport Faculty Member y Sport & Entertainment Management di University of South Carolina a expresa di ta sumamente contento di por yama Minister Endy Croes y e delegadonan di Universidad di Aruba bonbini na e Sport

Entertainment & Venues Tomorrow (SEVT) Conference. E conferencia ta trece e lidernan den deporte y entretenimento hunto unda nan ta dialoga, analisa y presenta ideanan di e industria di entretenimento. E encuentro aki sigur ta brinda e oportunidad pa conoce un poco mas di Aruba. E programa di certificacion ta brinda oportunidad pa engrandecer conocimiento di “sport management”, pa asina por opera evento y facilidadnan deportivo. Durante e curso lo trata e topiconan manera, maneho, finansa, operacion di negoshi, sponsorship y mercadeo. Esaki sigur lo yuda desaroya deporte na un otro nivel. Finalmente, Minister Endy Croes ta gradici e team di Universidad di Aruba cu e trabou cu nan ta haciendo y ta felicita nan cu e tremendo presentacion di e prome parti di e resultado.

A.T.A.: A INSPIRA FUTURO LIDERNAN DURANTE E TRENT SHELTON MOTIVATIONAL CONFERENCE COMO PARTI DI ESFUERZO “VOICES OF TOURISM”



Diabierna mainta, Aruba Tourism Authority (A.T.A.) a yama bonbini na mas di 500 estudiante di Universidad di Aruba, EPI y EPB kendenan a bini hunto den e sala di Renaissance Convention Center pa atende e culminacion di campaña “Voices of Tourism” cu un presentacion motivacional di presentador internacional, esta Trent Shelton. E campaña a carga como meta pa inspira e proximo generacion di lidernan den e industria di turismo.

E conferencia a habri cu un discurso di Ronella Croes, CEO di Aruba Tourism Authority, kende a reflexiona riba e rol importante di

profesionalnan den e industria di hospitalidad. Ta pa medio di nan dedicacion, pasion y trabou duro cu nos por crea experencianan excepcional pa nos bishitantenan. Croes a comparti un mensahe inspirativo cu e hobennan, esta pa nan acepta nan storia unico y pa uza esaki pa construi un futuro cu nan por ta orguyoso di dje. “Den un industria cu ta balora colaboracion, conocimiento propio, pensamiento critico y comunicacion efectivo, e biahe no ta trata solamente di logronan academico, pero di crecimiento personal, liderazgo y crea un impacto positivo y duradero riba mundo” tabata palabranan di Croes.

A.T.A. ta reconoce e tarea importante di sigui inverti den profesionalnan turistico y particularmente nos futuro generacionnan. Pa e motibo aki a invita autor y presentador renombra Trent Shelton pa empodera y inspira e futuro lidernan.

Durante e conferencia, Sr. Shelton a comparti un combersacion poderoso tocante balor propio. A pone enfasis riba e e tres reglanan fundamental, esta pa compronde bo balor intrinseco, practica compasion cu bo mes y cultiva autenticidad. E principionan aki ta vital

pa logra yega na bienestar mental y emocional, cu ta hermentnan importante den desaroyo personal y profesional.

E mensahe di Sr. Shelton a resona y a wordo bon ricibi pa tur presente. Por a conta cu un sala di estudiante hopi atento y comprometi pa e palabranan ofreci, cu a resulta cu algun estudiante por a comparti nan storia personal y asina ricibi conseho impactante. Ta di menciona cu e conferencia di diabierna mainta a wordo publica ‘live’ pa tur e 12 mion siguidor ariba red social di Sr. Shelton. Cual ta nifica cu e evento aki a ofrece un gran

motivacion pa hubentud y adultonan local presente, alabes a conta cu un bunita promocion pa Aruba.

Durante di estadia na Aruba, Sr. Shelton a cumpli cu bishita tanto na ekipo femenino di futbol di SV Britannia y studiantenan di Mon Plaisir College pa asina provee palabranan di motivacion. A.T.A. ta mira bek na un mainta sumamente positivo y inspirativo. A.T.A. lo sigui dedica na mehoracion di industria di turismo di Aruba, tanto pa nos bishitantenan como tambe, studiantenan, y nos profesionalnan den e mundo di hospitalidad.

MINISTER ENDY CROES A REUNI CU COASTAL CAROLINA UNIVERISTY NA SOUTH CAROLINA

Habriendo porta pa nos studiantenan di Aruba



Diahuebs atardi, Minister Endy Croes hunto cu representantenan di Universidad di Aruba a reuni cu Sra. Darla Domke – Domante, Associate Provost for Global Initiatives y Professor of Management di Coastal Carolina University. Minister Endy Croes a expresa di a keda sumamente impresiona cu e conocimiento y e historia di Status Aparte cu Sra. Domke – Domante sa di nos pais. Actualmente, tin shete (7) estudiante di Aruba ta studiando na Coastal University. Minister Endy Croes a indica cu ta trahando riba e cooperacion entre Universidad di Aruba y Coastal Carolina University.

Otro aña den luna di april of mei Minister Endy Croes lo haci un bishita oficial pa asina concretisa cierto palabracion. Sra. Darla Domke – Domante ta trahando pa 25 aña na Coastal Carolina University di cual e tin 12 aña trahando den colaboracion estrecho cu, entre otro, estudiante y nan famia na Aruba. Sra. Domke – Domante a indica cu e ta impresiona di e pasion, energia y entusiasmo cu e studiantenan di Aruba ta trece na nan experiencia academico. Tin asina hopi posibilidad y similaridad entre Coastal Carolina University, Universidad di Aruba y entre ambos comunidad. Tin asina hopi posibilidad unda cu por traha hunto den

e area di, entre otro, sostenibilidad, educacion, investigacion y turismo.

Nos a beneficia di e combersacionnan y awo nos por continua cu accion conrecto. Lo selecta e areanan specifico cu por beneficia ambos. Pa finalisa, Minister Endy Croes a expresa cu e tabata un bon reunion unda a comparti hopi informacion. E simia planta awe lo cosecha su fruta mañan. “Nos ta sigui traha cu amor y pasion pa crea oportunidad di estudio pa nos studiantenan local y pa Pais Aruba, habriendo porta pa nos studiantenan di Aruba”, Minister Endy Croes a indica.

HOBEN HERIDA; DESPUES DI A RICIBI BOTER DEN CABES DOOR DI UN CONOCI DI HUSTICIA

South Beach/ Hot Zone - Diasabra marduga polis mester a bay un establecimiento nocturno den e area di hot zone na Palm Beach, unda cu un conoci di husticia a maltrata un otro persona.


Na yegada di polis nan a compronde cu lo ta trata di un di e rumannan di Fam Williams cu lo a tawata involvi di un pelea y na su turno a maltrata un otro persona cu un boter.

Manera polis por a spera, na yegada e persona aki di fam Williams a move rapidamente. Ambulance mester a presenta pa duna e otro partido asistencia medico. Polis a avisa esnan involvi e pasonan cu nan lo tin cu tuma y scucha ambos banda di kiko exactamente a sosode.



SETAR A INAUGURA PASCO DEN ORANJESTAD CENDIENDO NAN LUS NA E ROTONDE SERO BLANCO

Bao un ambiente musical repartiendo “cupcake” y “candy cane” pa esnan cu tabata pasando parti pa parti e lusnan a ser cendi te na final un applauso y gritonan di alegria inaugurando asina oficialmente e iluminacion di Pasco.



ACCIDENTE PA FALTA DI PREFERENCIA NA CRUSADA WESTSTRAAT/KONINGSTRAAT, NINGUN DI 2 CHAUFFEUR POR A MUSTRA RIJBEWIJS



Diabierna atardi a drenta informe di un accidente na e crusada Weststraat/Koninstraat, aki ta trata di un accidente pa falta di preferencia y esaki a bini a causa di cu ningun di 2 por a mustra un rijbewijs

valido. Afortunadamente ningun hende a resulta herida.

Diabierna atardi a drenta informe di un accidente na e crusada Weststraat/Koninstraat, aki ta trata

di un accidente pa falta di preferencia y esaki a bini a causa di cu ningun di 2 por a mustra un rijbewijs valido.

Afortunadamente ningun hende a resulta herida.

Minister Endy Croes: A FIRMA UN MOU BENEFICIOSO PA E STUDIAANTENAN DI Ariba CU KIER CONTINUA NAN MASTER'S DEGREE NA UNIVERSITY OF SOUTH CAROLINA TA RICIBI "IN-STATE TUITION"

Desde e aña aki e studiantenan cu ta continua nan Master's Degree na USC ta ricibi in-state tuition, a logra reduci e prijs di 45 mil dollar na 15 mil dollar.



Durante e biahe di trabou na Merca, Minister Endy Croes a haci un bishita oficial na University of South Carolina. Minister Endy Croes a indica cu Aruba pa basta aña tin un relacion estrecho cu University of South Carolina. Durante e biahe aki, Minister Endy Croes a firma un acuerdo unda a logra brinda ocho (8) of dies (10) estudiante e oportunidad pa haci nan Master's Degree den Sport & Event Management. E di dos (2) logro ta cu e "undergraduates" cu tabata bay na University of South Carolina pa haci nan Bachelor's Degree tabata haya nan "in-state tuition", pero ora cu continua pa obtene nan Master's Degree nan mester a paga e tarifa di scol completo. Minister Endy Croes a logra yega na un acuerdo cu ora nan finalisa nan Bachelor's Degree

y kier continua cu un Master's Degree na University of South Carolina e "In-state tuition" ta valido pa nan. Siguientemente, Minister Endy Croes a haya un recorrido di e universidad y tabatin e oportunidad pa dialoga cu e staf di University of South Carolina.

Minister Plenipotenciario na Washington D.C. Sra. Joselin Croes a indica cu esaki ta un dia grandi pa Aruba, unda cu a logra firma un MoU cu University of South Carolina pa asina nos studiantenan cu kier haci nan Master's Degree tambe haya un in-state tuition fee. Pues, na tur e studiantenan cu ta eherciando nan estudio caba cu ta desea ta continua cu nan Master's Degree eynan mes, por haci esaki awo na un suma hopi mas atractivo. A logra reduci e prijs di

45 mil dollar pa 15 dollar. Minister Plenipotenciario Sra. Joselin Croes ta indica cu nan a traha hopi duro pa esaki y ta sumamente contento cu e resultado.

Minister Plenipotenciario Sra. Joselin Croes ta gradici Minister Endy Croes cu a logra firma e acuerdo aki pa nos studiantenan di Aruba. Chris Reid di University of South Carolina a indica cu nan ta yuda e studiantenan establece eynan y nan t'ey pa yuda e estudiante durante ful nan estudio eynan. No solamente cu e parti academico, pero tambe nan t'ey pa yuda e studiantenan cu, entre otro, migracion, pa haya e documentonan necesario pa haya Visa, cu tur preparacion y guia cu e studiantenan mester na yegada, seguro medico, problema

di vivienda y cuestion legal. Pues, nan por yuda cu e studiantenan den locual nan mester, sea ta cuestion personal of academico.

Dr. Robin Dipietro, kende ta profesor di University of South Carolina a indica cu desde aña 2005, nan tin un contacto cu Aruba unda cu nan ta brinda asistencia den diferente programa y/of curso. University of South Carolina tin un tremendo facultad cu alrededor di 100 estudio, mas di 37 mil estudiante y 5 mil miembro di facultad. Ademá, nan tin diferente programa deportivo cu ta extraordinario. Pa finalisa, Minister Endy Croes ta gradici Minister Plenipotenciario Sra. Joselin Croes, y su ekipo cu hunto a traha pa e logro aki. Otro logro mas pa Aruba!

PERSONANAN A HUUR 6 WAVERUNNER UN DI NAN A PEGA NA E CABUYA DI BOEI Y UN MUCHA PATRAS A RESULTA HERIDA

Diabierna atardi a drenta informe di un incidente riba lama na Eagle Beach, mesora a dirigi tanto polis como ambulans na e sitio. Na yegada di e patruxa ya caba un ambulans a atende un mucha herida cu lo a herid'e cu e cabuya di e boei sinta patras di un adulto riba e waverunner. Esaki

a ser haci na e sitio mes. Ademá di esey a bin compronde cu e personanan ey a bisa cu nan lo paga ora nan caba. Pero despues di e incidente nan no kier a paga. Entretanto esnan di e compania di huur waverunner a repara e cabuya di boei. Polis a intermedia y nan a paga e huur.



Alto Comisario sr. Arnhem bo maneho contra cachonan riba caya no ta dunando resultado spera!



Algun siman pasa a cuminsa actua contra cachonan riba caya cu yen di fanfaria yen di accion pero ZERO RESULTADO!

Cachonan ta riba caya y ta sigi atacando peatonnan ciclistanan y tambe postbode di postkantoor. Nada a cambia!

Accidente cu varios persona herida ariba crusada di Kadushi Largo



Crusada Kadushi Largo - Diadomingo merdia polis y ambulance a sali direccion crusada di Kadushi Largo cu Sero Compa. Eynan un accidente entre dos auto laga varios persona herida atras. Na yegada di polis nan ta topa cu un Chevrolet Tahoe y un Nissan Tiida, am-

bos cu basta daño material y tambe ocupantenan herida. Esnan mas herida a resulta esunnan den e Tiida, cu na yegada di Paramediconan mesora mester a cuminsa duna ayudo. Na e otro banda di caminda por a mira cu debi na impacto fuerte e airbag nan a sali. E ocupantenan tawata sinta pafo den e algun beach chair wardando ayudo medico. Polis di trafico presente a cuminsa tuma datonan y tambe cuminsa investiga kiko exactamente a sosode. Ariba e crusada aki ta masha hopi accidente a yega di sosode unda hendenan ta resulta herida. E unidannan di Ambulance cu a yega mester atende cu tur e heridonan y alabes transporta esnan cu mester bay Hospitaal pa tratamiento mas avansa.

ORACION DI DIA



Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta musta cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invita-donan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo boluntad y biba den harmonia cu otro. Amen.



		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Nos curason ta dirigi nos awe, pa un capitulo mas di e tema "Siman di buki 2023". Lesamento cu ta asina importante. Nos lenga materno cu ta asina importante. Pero tambe otro idioma ta importante, den nos "verdere studie" den exterior. Con cu bo mir'e of bir'e, tur esakinan ta importante pa nos cresemento y bira mas sabi. Nos sa kiko ta pasando rond di nos, pasobra nos por lesa. Ki dushi tawata pa a hasi algun "yells" cu e chikitinnan den Kleuter y Eerste Klas na tur di e scolnan cu a toca Lady Ruth "Tanchi Ruthy" pa bishita. E tema di e storia cu Tanchi Ruthy

a conta : " Rene su dushi wega", tin di haber cu limpieza, tene cas, kamber, cura, Aruba, scol etc. limpi y pa no tira sushi abao. Un di nos rima yellnan cu nos a sinya nos muchanan durante e dushi siman di Siman di buki tawata : " Piki piki piki sushi, Aruba limpi ta mas dushi ". Nos ta hinka nos mesun melodia y zjeito den dje. Of esun cu nos ta pidi tur mucha drai mira nan juffrouw den su cara y move e wijsvinger poco poco di links pa rechts, di links pa rechts y bisa : " No rabia cu nos, juffrouw . Nos no ta tira sushi abao ". Ta dushi ambiente so tawata reina den

cada klas na unda Tanchi Ruthy a bay conta e storia : " Rene su dushi wega". E scolnan cu Tanchi Ruthy a bishita ta : " Scol Preparatorio Prome Paso, Maria School, Mon Plaisir Basisschool, Anglo Kleuterschool, Scol Preparatorio Washington, Colegio Pastoor Kranwinkel, Scol Preparatorio nos Paraíso, Scol Preparatorio Cacique Aterima, Colegio San Hose y Imelda Kleuterschool. Tin bes un klas di binti pico mucha, tin bes dos klas hunto di casi 50 mucha y un biaha hasta henter e scol. Ta bon mes tawatatin un microfoon y speaker chikito na e Kleuterschool aki, cu a yuda, pasobra asina tawata imposibel di lesa storia cu grito pa tur mucha tende, pasobra, mucha ta mucha y no ta tur por sinta keto cu boca sera pa scucha. Cada scol a ricibi Tanchi Ruthy cu amor y carino y na final ora cla pa bay e siguiente scol, Tanchi Ruthy tawata hanja un regalito, un carino bunita y dushi di e klas na unda ela caba



di conta storia. Nan a aprecia y hanja nos presentacion hopi leuk ! Y nos a aprecia nan bunita atencion ! Tawatatin un pauze entre e scolnan y Tanchi Ruthy por a bai dal un koppie koffie cu su begeleider di e dia ey y despues di mei ora asina subi auto pa bay e siguiente scol. Nos tawata conta storia por bisa di 8 or di mainta te 12 or di merdia nan ey. Na tur scol nan a ofrece algo di bebe, sea friuw of cayente y na un di e scolnan hasta a hanja un dushi pida pandushi y dushi snacks cayente come. Locual a capta Tanchi Ruthy su atencion, tur tur scol tawata limpi limpi y bon organisa, na ordo, cu hopi diciplina. Su respet pa e maestro y maestranan di scol a bay top, pa nan bon trabaonan cu nan ta eherciando. Ta tin algun juffrouw cu por a domina

nan klas un crenchi mas mihor cu otro, pero, all in all, petje af !!! Bo por a sinti e amor cu nan tin pa nan trabao diario di yuda educa y forma nos muchanan di awendia, cu no ta asina facil. Tanchi Ruthy ta gradici tur tur di BNA y di e Comishon KBF Aruba, tur tur cu tin algo di haber cu e bunita projecto aki pa stimula lesamento bau di nos muchanan, danki danki masha danki ! Den nos relato di siman pasa ya nos a menciona e patricinadornan caba. Nan tambe ta yuda den esaki cu curason . Danki na BNA y Commissie KBF Aruba pa nan pasenshi y pa kere den Lady Ruth "Tanchi Ruthy" pa a dunele e bunita oportunidad di a hasi algo bon y dushi pa nos muchanan. Keda pendiente pa e publicacion den futuro sercano di su buki "Rene su dushi wega", cu ya varios di e juffrouwnan a pidi p'e. Un "bear-hug" grandi, diki y gordo pa boso tur ! Sin lubida tur e coleganan autor y tur begeleider ! Y asina Lady Ruth ta conclui su di tres relato cu a trata e siman di buki 2023 cu tema "Mi buki Mi cas" cu tawata un exito ro-tundo !!!



CONSTRUCCIÓN

ta corta yerbe hasi cura limpi presurewasher i verf welder plumbing electro metal i carpinte

5608568

Chapaleta di molina di biento a bira dal un Gabilan Piscado mata na Vader Piet

GABILAN PISCADO

(Pandion haliaetus), Osprey

Bo por haya nan na areanan banda di costa of lagoen grandi.

Nan ta mas grandi cu e warawara y su halanan ta habri hopi hanchu. Nan ta bula halto riba e awa (lama) pa asina mira su prooi y cu su garan an atrapa e piscanan. Nan sa traha nan neishi masha grandi mes den matanan pelon of palonan halto. E Gabilan Piscador cual ta parhanan protegi ya caba tabata den peligro di extincion den e decada 70 unda tabata usa DDT y otro pesticidanan. Algun a logra scapa despues di cu leynan a prohibi e uso di e

pesticidanan toxico aki.

E Gabilan Piscado tin hala cu ta midi entre 1.50m pa 1.70 y ta e parha jaagdo di mas grandi na Aruba.

Por reconoce e parha aki door di su cabes blanco cu strepinan scur rond di su wowo, su lomba bruin scur y barica color cla.

Aruba ta un lugar importante pa parhanan cu ta pasa riba e ruta migratorio ya cu hopi ta para na Aruba pa sosega, come pa haya mas forsa y sigi pa nan proximo destinacion. Ta jammer cu e Gabilan Piscador bunita aki ta muri door di e molina di biento aki.



Polis a atende cu un dama chofer cu tabata tira un contrabando memey caminda para dilanti parlamento!



Diasabra madruga a drenta informe di cu lo tin un auto Kia Picanto blauw para memey caminda di-

lanti parlamento, mesora a dirigi un patruya na e sitio. Na yegada di e patruya mesora esaki a primi trot y

sali bay direccion pariba y polis a bay su tras y a logra para esaki dilanti Talk of the Town pa atende cun'e.

E dama a admiti cu e tabata tirando un contrabando ey pero polis a bis'e pero memey caminda y ela contesta DESESPERACION!

Polis a tuma su datosnan y a hala su atencion pa su mesun seguridad y di otronan.

LEY CU TA LIMITA UZO DI PRODUCTONAN DI TABACO

PROTEHANDO SALUD PUBLICO

6 Ta prohibi pa vende of duna productonan di tabaco na personanan bou di 21 aña

DVG **ARUBA LIBER DI TABACO** **HALA ROSEA LIBREMENTE**

Hoben herida cu un kap na cabes na un club nocturno na e hotzone banda di hotelnan high-rise



Diasabra madruga a drenta informe di un pelea y tin un hende herida den un club nocturno na e hotzone banda di e hotelnan high-rise, mesora a dirigi tanto polis como ambu-

lans na e sitio.

Na yegada di e patruya a bin compronde cu tabata tin un pelea unda e agresor despues di a herida e victima a bandona e sitio. E

victima cu a keda tabata tin un kap na su frenta. Na yegada di e ambulans nan a atende e victima na e sitio mes. Polis a bisa e victima cu e por bay entrega keho na recherche.



Polis a bay Tanki Leendert pa homber benta abao



Diasabra atardi a drenta informe di cu tin un homber benta abao riba caminda di tera na Tanki Leendert, mesora a dirigi un patruya na e sitio. Na yegada di e pa-

truya a bin constata cu aki ta trata di un conocido di nan cu ta atrobe bao di su awa. Polis a solicita e vehiculo di transporte pa asina hiba e y su bais na su cas.

Polis a para un dama coriendo un convertible den un forma irresponsable riba Sasakiweg



Diasabra madruga durante patruya polis a para un auto coriendo den un forma irresponsable, mesora nan a par'e y

atende cun'e pa su comportacion den trafico. Despues di esey e por a sigi cu su patruya.

Polis a detene chauffeur burachi cu a perde control baha caminda dal palo di lus y un mata



Diasabra madruga a drenta informe di un accidente na Paradera, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu e chauffeur burachi a perde control baha caminda dal palo di lus y riba un mata. Afortunadamente ningun hende a resulta herida. Polis a detene e chauffeur pa ta burachi y causa un accidente



Glenda Zavala Maduro a logra 2 premio den Premio Musica Colombiana organisa na Barranquilla Colombia



Glenda ta un compositora di genero Valenato y directora di Voces Femeninas del folclor internacional y ta un logra grandi di ricibi ayera 2 premio 1 como Gestora

Cultural internacional y Voces Femenina del folclor tambe a gana e premio como Mejor grupo femenina del año



VALIDO TE DIALUNA 20 DI NOVEMBER 2023, 18:00 ORA

TEMPO:
AWE TARDI Y AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN AWACERO PASAJERO
TE BREVE
TEMPERATURA MAXIMO 31 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 33 PA 40 GRADO CELSIUS
UV INDEX: 8
SITUACION GENERAL DI TEMPO PA PROXIMO 24 ORA:
HUMEDAD DISPONIBLE DEN REGION, DEBI NA UN DISTURBIO
DEN NIVELNAN MAS ABOU DI ATMOSFERA, LO PRODUCI DE BES EN CUANDO MAS NUBIA CU LO PASA OVER DI E ISLA.
FOR DI ESAKINAN POR DESAROYA ALGUN AWACERO PASAJERO
TE BREVE CU UN CHANCE LKEVE PA LAMPER CU STRENA.
CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: KETU, ROND DI 1 PIA.
NA PARTINAN ZUID: TRANKIL TE MODERA, ENTRE 2 PA 3 PIA.
NA PARTINAN OOST TE NOORDWEST DI COSTA: GENERALMENTE MODERA CU OLANAN ENTRE 5 PA 6 PIA.

Parlamentario Marco Berlis (MEP): Dia Internacional di Mucha

20 di november, ta Dia Internacional di Mucha. E fecha aki no a wordo estableci djis pa tin un dia mas pa celebra mucha, sino pa recorda nos cu e muchanan tin derechonan. Muchanan ta e futuro di nos pais y ta pesey mes nos mester brinda nos muchanan tur e proteccion, educacion y guia cu ta posibel pa nan por crece bira grandi y bira adultonan responsabel. Esaki kiermen cu nos mester conoce e derechonan aki y sigura cu semper e muchanan por ta gosando di esaki. Yudando y educando nos muchanan di un edad hoben nos por inspira y establece principionan fuerte den nan pa asina nan tambe por ta mayoran y lidernan responsabel den nos comunidad. Proteccion di nos muchanan a conoce un mehoracion substancial. Proteccion di nos yiunan mester keda un prioridad semper. Den cuadro di esaki, e Gobierno actual a demostra seriedad den accion poniendo e siguridad di muchanan central. Pa menciona algun:

- Sociaal CrisisPlan a wordo instala na 2018 door di Gobierno for di unda varios proyecto y departamento a nace.
- Codigo di Proteccion a wordo aproba pa Parlamento na 2019 y a drenta na vigor.
- Parlamento a aproba e aumento di diferente castigo den ley contra abuso (sexual) di menor na juni 2020.
- Gobierno ta construyendo e Family Justice Center den Playa, unda lo tin Family Justice Center, Slachtofferhulp y e medico forensico (cu prome biaha Aruba tin) bou un solo dak. E edificio lo tin: verhoorruimtes, verhoorkamers, kindvriendelijke ruimtes, studioverhoor, regiekamer, ophoudkamers verdachte, Ccmera beveiliging, intercomsystem, y letsel ruimte forensisch arts. Esaki lo yuda victimanan di violacion y yuda acumula evidencia contra e abusadonan pa asina hiba nan corte pa sentencianan cu castigonan fuerte.
- Ombudsman a keda instala pa coalicion, aunke oposicion a opta pa vota



CONTRA di e ley di Ombudsman.

- Departamento di Mucha y Hoben a keda formalisa na october 2022.

□ Desde 2022 tur researcher di Jeugd- en Zedenpolitie (JZP) ta certifica pa verhoor mucha y asina conduci miho investigacion.

- A bin cu e campaña nacional 'MI MESUN HEROE', un campaña contra di abuso di mucha den forma di un serie.

Gobierno a actua rapidamente y a keda consecuente riba e topico di proteccion pa nos muchanan.

Esaki ta aplaudi, ya cu esaki ta algo cu ta biba hopi den pueblo y ta un logro importante pa nos tur. E cambianan cu Parlamento a aproba y cu Gabinete Wever Croes I & II a introduci ta

historico y ta prome biaha cu ta trahando asina duro den asina poco tempo pa garantisa e bienestar di nos muchanan.

Nos muchanan ta vulnerable y mester salvaguardia nan inocencia y salud mental

Nos tur ta compronde cu ora muchanan ta chikito, hasta ora nan curpa cuminsa cambia cu pubertad, nan ta vulnerable ainda. E ta importante pa den e proceso aki di vulnerabilidad nos muchanan

wordo protegi di cualkier influencia y manipulacion cu por afectanan emocionalmente y mentalmente. Ta cada dia mas importante pa mayoran papia cu nan yiu, duna nan informacion y educacion adecua riba bida na momentonan y un edad apropiada. Haci esaki prome otro hende bin cu mal intencion. Mirando specialmente kico

ta pasando actualmente den nos sociedad y den mundo en general, nos mester cuida nos muchanan mas cu nunca. Asumiendo nos responsabilidad como mayor, no ta solamente provee alimento pa nan, pero tambe e amor, educacion y formacion necesario na cas pa nan por desaroya den un hoben y adulto madura y responsabel den nos comunidad. Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

Pa abona na
SOLO DI PUEBLO
Yama
585 9500

Manda nos un e-mail na
solodipueblo@gmail.com

Entrega tur dia te den bo port'i cas

Clasificados

SOLODIPUEBLO@GMAIL.COM
CEL. 585 9500

18 di November: 45 Aña di e Masacre Revolucionario Na Guyana Parti 1

Skirbi Pa: Drs. Melva Croes-Yáñez



Cuarenta y cinco aña pasa, riba e fecha 18 di November, 1978, un total di 919 Mericano a muri den un jungla aleha na Guyana, Sur-America. Banda di un congresista y dos periodista estadounidense tambe 914 residente di e mision agricultor di Paz, bou number "Peoples Temple" (Templo di Pueblo) situa na Guyana na e asina yama Jonestown (nombra pa su líder controversial, Reverendo Jim Jones). E miembronan di e culto 'Templo di Pueblo' aki a sigui ciegameamente nan líder Carismatico, "Reverendo Divino Jim Jones" bende tur pertenencia, lanta tur placa, entrega tur cos na Reverendo Jim Jones y muda cu ne pa Guyana na 1974. Na 1961, Jones tabatin un vision cu e apocalypse nuclear ta pa tuma luga na Merca. Esaki e a gara pa convence su sigidornan cu e lo hiba nan na un lugar sigur liber di e ataque nuclear pa nan kere den un utopia di "Un Paraiso Socialista, Interracial" unda cu e lo soru pa atencion medico husto pa tur miembro di e Templo y cu enfoka riba Husticia Social, Salud di e adultonan mayor y di hobennan di riesgo, (den getto y ambulante) cu e tempo ey na Merca tabata wordo negligha.



Jim Jones tambe a priminti su sigidornan cu e lo establece residencia pa cada adulto mayor y famia den e 'jungle'. En corto un utopia di un futuro briyante pa un y tur!

Un total di 80 miembro di e Templo di Pueblo aki cu tabata biba na Guyana, pa un of otro suerte a logra di sobrevivir e dia ey (y a para testigo pa por conta nan historia). Segun documentonan oficial un shen y pico miembro cu a keda biba na San Francisco y Los Angeles tambe a sobrevivir e masacre of miho bisa e suicidio revolucionario aki na 1978.

E suicidio masal aki, orkestra pa Jim Jones mes, tabata un ceremonia dirigi riba comete suicidio masal door di bebe Kool-Aid bruha cu veneno (entre otro cyanide). E mayornan a wordo forsa pa duna nan yiu bebe esaki y despues bebe esaki nan mes.

Esnan cu a resisti pa bebe e Flavor-Aid a wordo inyecta cu forsa cu entre otro cyanide, incluso un shen y pico mucha y adulto mayor. Otronan cu kier a huy a wordo fusila durante nan escape. Pues, NO ta tur hende a muri door bebe e Kool-Aid venena, manera ta ser bisa. Despues di a convence tur hende bebe e 'Flavor Aid' venena, na final Jim Jones y su casa a fayece a causa di un tiro di acerca den nan cabes.



Los Angeles times jonestown14-2008nov14-pg-

mundo y soño ta cayendo den otro, awor cu Merca a cuminsa mete cu su pueblo na Jonestown, a prepara/drill su sigidornan cu e acto ceremonial di suicidio masal en bes di laga e Mericanonan bin mata nan.

Den Parti 2 lo elabora riba e aspecto psicologico y personalidad di Jim Jones y trata contesta e pregunta "Con por ta cu un hende cu semper tabata un BON hende por termina bira corrupto/criminal?"

Bijbel ta prohibi tur relacion sexual pafo di matrimonio

E diabel ta purba cambia e moda di biba di hende, den libertinahe sexual prohibi. E mundo por cambia, pero e palabranan di Dios nunca no ta cambia. Gobiernonan di mundo por pasa leyman cu ta contra di scrituranan di Dios, pero Dios ta bisa den Bijbel, Bijbel Malakias 3: 6 : "Ami Senjor, Mi no ta cambia." Bosonan no sa, cu tur relacionnan sexual pafo di e Sacramento di Matrimonio, ta un pika condenabel pa fierno. Den e di 9 Mandamento di Dios ta bisa: " Lo bo no comete e pika di fornicacion, esaki ta e relacion sexual prohibi, esta : Na esnan cu ta biba companja, na esnan cu ta casa pa Raad so, e prostitutanen y na e libertinahe sexualnan. Bijbel 1 Corinthionan 6: 18 ta bisa: "Abstene boso di relacion sexual prohibi. Tur otro pika cu hende ta comete, ta tuma lugar pafo di su curpa. Ma esnan cu ta haci relacion sexual prohibi, ta peka contra di su mes curpa." Bijbel 1 Corinthionan 7: 2 ta bisa: "Ma, si ta pa e tentacion di haci relacion sexual pafo di matrimonio, anto ta mihor cu cada homber tin su mes esposa y cada muher tin su mes esposo." Bijbel Hebreonan 13: 4 ta bisa: "Tur hende mes-ter respeta matrimonio den tur aspectonan y mantene e fielded den e relacionnan entre esposo y esposa. Dios ta castiga na esnan cu tin relacionnan sexual prohibi y na esnan cu ta comete adulterio." Bijbel 1 Tessalonicensenan 4: 2 - 5 ta bisa: "Boso conoce e instruccionnan cu nos a duna boso riba autoridad di Senjor Hesus. E boluntad di Dios ta, pa boso bira santonan y pa boso no tin relacionnan sexual pafo di matrimonio. Cu cada uno sabi di busca un esposa den santidad y respet, sin laga e mal deseonan desvia boso, manera sa haci den e pueblonan cu no conoce Dios." Bijbel Colonsensenan 3: 5 y 6 ta bisa: "P'esey, mata loke ta keda den e bida terenal den boso, esta : Inmoralidad sexual, impure-



sa, mal pasion, mal deseonan y avaricia cu ta mescos cu idolatria. Esakinan ta e pikanan cu ta trece e castigonan di Dios." Bijbel 1 Corinthionan 6 : 19 y 20 ta bisa: "Bosonan sabi esey, cu boso curpa ta tempel di Spirito Santo, kende ta biba den boso, kende boso a ricibi di Dios. Boso no ta di boso mes, boso ta cumpra y e prijs ta paga. Glorifica Dios anto den boso curpa." 1 Corinthionan 6 : 9 y 10 ta bisa : "Boso no sabi, cu esnan cu ta comete inhusticia, nan lo no drenta den e Reino di Dios? No ganja boso mes, na esnan den relacion sexual prohibi, na e sirbidornan di Diosnan falso, na esnan den adulterio, na e homosexualnan di tur clase, na e ladronnan, na e alcoholiconan, na e blasfemadornan, na esnan golos pa plaka, na e abusadornan, ningun di nan lo no tin parti den e Reino di Dios." Bijbel Marko 10 : 6-9 ta bisa : "Ma na principio tempo di creacion, Dios a traha nan homber y muher. P'esey e homber lo bandona su tata y su mama, pa e uni cu su muher y e dosnan aki lo bira un curpa. P'esey, loke cu Dios a uni hende no ta permiti di separa." Esaki ta e Sacramento di Matrimonio den Misa, na unda Dios ta uni e pareha den un solo curpa, pa medio di un sacerdote. Den e Sacramento di Matrimonio aki, Dios ta duna e pareha e regalo di bida sexual y e muher no ta donjo di su mes curpa, sino su esposo, tambe e homber no ta donjo di su mes curpa, ma su senjora, 1 Corinthionan 7 : 4.

Seferino Tromp